

S I U M U T



Malittarisassat

Ataatsimeersuarneq
Sisimiut 2017

Imai:

§ 1 Partiip siunertaa	3
§ 2 Ilaasortanngornermi piumasaqaatit	4
§ 3 Ilaasortat pisinnaatitaaffii	4
§ 4 Ilaasortaanermut akiliut aamma partiimut akileraarut	5
§ 5 Immikkoortortaqarfiiit	5
§ 6 Ataatsimut siulersuisoqarfik	6
§ 7 Qinigassanngortitsinerit	6
§ 8 Taasisinnaatitaaneq, qinigaasinnaanerlu	6
§ 9 Ataatsimeersuarneq	7
§ 10 Siulersuisuunerit	8
§ 11 Partiip qullersaqarfia aamma atsiorsinnaatitaaneq	10
§ 12 Ilaasortaajunnaarsitsineq	10
§ 13 Siumup kommunini gruppiini maleruagassat	11
§ 14 KANUKOKA´s siulersuisuini sinniisoqarneq	12
§ 15 Siumup inatsisartuni gruppia	12
§ 16 Folketingi	13
§ 17 Nuna tamakkerlugu atuuttumik isumaqtigiiissitsiniaasartut	13
§ 18 Immikkut aalajangersaanerit	13
§ 19 Malittarisassat akuersissutigineqarnerat	14

Siumup ilaasortai Siumut Partiimi katersuussimapput. Siumut partii tassaavoq Kalaallit Nunaanni nuna tamakkerlugu naalakkersuinermik suleqatigiinnermi kattuffik, inuit ataa-siakkaat peqatigiiffiillu katersuuffiat, partiimut atasuusutut akuerineqartut.

§ 1 Partiip siunertaa

Siumup anguniarpaa naqisimaneqanngitsumik inuillu susassareqatigiillutik ikioqatigiillutillu ineriartornissaannik eqqarsartaatsip siammariartortinneqarnissaa akuerineqarnissaalu, partiip naalakkersuinikkut anguniagai tunngavigalugit, aningaasarsiornikkut piorsarsimassutikkut naalakkersuinikkullu soqutigisat tunngaviusumik anguniakkat isummiussallu aallaavigalugit:

1. Pilersikkumallugit inuiaqatigiit ataqtigiissut, ilatsiinnartuunngitsut, kisiannili eqeersimaartut napasinnaalluartullu, inuiaqatigiittut akisussaaqataanertik qamuuna misigisimalluarlugu ilumoorfigalugulu innuttaaqataasut.
2. Pilersikkumallugit inuiaqatigiit nunamik tunniussinnaasai akisussaassuseqartumik atorluarlugit avataaniillu pisut pisariaqartitatik iluaqtigalugit imminnut napatissinnaalerlutillu aqussinnaalersimasut.
3. Pilersikkumallugit Nunatsinni inuiaqatigiit kikkunnut tamanut pitsasumik atugassaqartitsut naligiimmillu periarfissaqartitsut.
4. Pilersikkumallugit Nunatsinni inuiaqatigiit naligiissitaaffiusut apeqqutaatinnagit sumi inunngorsimaneq, arnaaneq angutaanerluunniit kiisalu sumilluunniit upperisaqarneq.
5. Nunatsinni avatangiisit isumalluutillu uumassusillit piujuannartitsineq aallaavigalugu nungutsaaliuinikkut paarilluarneqarnissaat.
6. Nunatsinni inuiaqatigiit akisussaassusermik, eqeersimaarnermik peqqinnermillu pingartitsillutik kiffaanngissuseqarlutillu ineriartornissaminntut pitsasumik periarfissaqarnissaat.
7. Pilersikkumallugit Nunatsinni inuiaqatigiit nunarsuarmioqataasutut unammillersinnaasmik ilinniartitseriaaseqartut.
8. Pilersikkumallugit Nunatsinni inuiaqatigiit aningaasaqarnikkut politikkikkullu nammineersut.
9. Kalaallit Nunaata aqunneqarnerani ammasumik inuillu oqartussaaqataanerat pingartilugu ingerlatsineq nukitorsassallugu.
10. Kalaallit Nunaanni Inuit pisinnaatitaaffii nunarsuarmioqatigiinnut tamanut atuuttut illersussallugit.

§ 2 Ilaasortanngornermi piumasaqaatit

Kikkulluuniit Siumup siunertaanik anguniagaanillu tapersersuisut ilaasortanngorsinnaapput.

Imm. 2.

Partiimut ilaasortaaneq kommunerisami Siumup immikkoortortaqarfisiqut pisassaaq.

Imm. 3.

Qinikkatut akisussaaffeqalerneq pissutigalugu kommunimut allamut nuukkallartariaqarsi-magaanni, soorlu Inatsisartunngorneq Naalakkersuisunngornerluunniit pissutigalugu im-mikkoortortaqarfik ilaasortaaffigisaq ilaasortaaffigineqaannarsinnaavoq.

Imm. 4.

Inuit kommuninut agguarneqarnerup avataani nunanilu allani najugaqartut immikkoortor-taqarfimmut partiilluunniit qullersaqarfiani ilaasortanngorsinnaapput.

Partiip siulersuisuunerisa nunani allani partiip immikkoortortaqarfiiunik pilersitsisinnaaneq akuersissutigisinnavaat, assersuutigalugu inuit nunarsuaq tamakkerlugu kattuffissuarni suliffeqartut eqqarsaatigalugit. Partiip siulersuisuunerisa immikkoortortaqarfiiut pineqartut sinnisoqarfinnut aallartitaqarsinnaanerat, malittarisassaat il.il. aalajangersaaffigisassavaat.

Imm. 5.

Ilaasortatut isigineqassaaq inuk ilaasortat allassimaffiannut nalunaarneqarsimasoq, ilaasor-taanermullu akiliutissaminik akiliisimasoq.

Ilaasortaaneq ingerlatiinnarsinnaajumallugu ingerlaavartumik ilaasortaanermut akiliuteqar-toqartassaaq. Ukioq ataaseq sinnerlugu ilaasortaanermut akiliuteqarnissamik kinguartoorsi-magaanni, ilaasortaanermi pisinnaatitaaffiit (taaseqataasinnaaneq aamma qinigassanngor-tissinnaaneq) atorunnaassapput, akileeqqittoqarnissaata tungaanut.

Imm. 6.

Partiimi allami ilaasortaasimagaanni, naalakkersuinikkullu suleqataalluni, imaluunniit Inatsisartunut qinersinermi kommunimulluunniit qinersinermi Siumut qinigassanngortif-fiisa avataanni qinigassangortikkaanni inuilluunnit allat qinigassanngortinniarneranni iki-uussimagaanni, Siumumi ilaasortaaneq atorunnaassaaq.

Imm. 7.

Siumup gruppianit tunuartitaagaanni imaluunniit nammineerluni tunuaraanni, kisiannili kommunalbestyrelsimi, inatsisartuni folketing-imiluunniit ingerlaannaraanni Siumumi ilaasortaaneq atorunnaassaaq.

§ 3 Ilaasortat pisinnaatitaaffii

Siumumi ilaasortasut:

- Naalakkersuinikkut suliani aalajangersaasarnerni peqatigiiffittullu suleqatigiinner-mi peqataanissamut aalajangersaaqataanissamullu pisinnaatitaaffeqarput.
- Naalakkersuinikkut suliaqarfinnut aaqqissuussaanermilu tatifisaalluni suliaqarfiu-sunut allanut qinigassanngortitsinerni ilaasortat akiliisimasut tamarmik peqataanis-samut pisinnaatitaaffeqarput.
- Naalakkersuinikkut qinigaaffinnut; Nunaqarfinni aqutsisunut, communalbestyrel-sinut, inatsisartunut folketingimut allanullu qinigaaffinnut ilaasortat akiliisimasut qinigassanngortissinnaapput.
- Partiimi tatifisaalluni qinigaaffinnut, assersuutigalugu immikkoortortaqarfinni siulersuisunut, kommuneni ataatsimut siulersuisunut, imaluunniit partiip siulersuisuu-nerinut ataatsimeersuarnermulluunniit aallartitatut qinigassanngortissinnaapput.

§ 4 Ilaasortaanermut akiliut aamma partiimut akileraarut

Partii Siumup ataatsimeersuarnerani immikkoortortaqarfinni ilaasortat partiimut akiliutaasa angissusissaat aalajangersarneqartarpooq. Immikkoortortaqarfiiit partiimut ilaasortaanerminnut akiliutissaat annertussuseqarpoq:

Immikkoortortaqarfiiit 50-it tungaanut ilaasortallit = 500 kr. Ukiumut

Immikkoortortaqarfiiit 100-it tungaanut ilaasortallit = 1000 kr. Ukiumut

Immikkoortortaqarfiiit 100-it sinnerlugit ilaasortallit = 1500 kr. Ukiumut

Siumup Inuuksutnunut Suleqatigiiffiata partiimut ilaasortaanerminnut akiliutissaat annertussuseqarpoq ukiumut kr. 25,- ilaasortamut ataatsimut.

Imm. 2.

Ataani allassimasut avataasigut kinaluunniit partii tunuliaqutigalugu qinigaasoq toqqagaasimasorluunniit akissarsiaqartinneqartoq / kajumissaatisiaqartinneqartoq akissarsiap/kajumissaatisiap akileraarutinut akileereernermi 5 %-ianik partiimut akileraartassaaq. Qinikkat qaammammut akiutissaat ersarinnerusunngorlugit, sumullu akiliisarnissaat imatut agguataarneqassapput:

Qullersaqarfimmut – Immikkoortortaqarfimmut ilaasortaaffigisamut 50/50

- Inatsisartuni ilaasortat 1000,00 kr.
- Inatsisartut siulittaasuat 2000,00 kr.
- Naalakkersuisuni ilaasortat 2000,00 kr.

Qullersaqarfimmut:

- Folketing-imi ilaasortaq 2000 kr.
- KANUKOKA-p Siulittaasua 600,00 kr.

Immikkoortortaqarfimmut ilaasortaaffigisamut:

- Borgmesterit 2000 kr.
- Borgmesterip tullii akileraarutinut akileereernermi akissarsiap 5%-ianik.
- Kommunalbestyrelseni ilaasortat 400 kr.
- Kommunalbestyrelse ataatsimiitilamiliu siulittaasuulluni 500,00 kr.
- Nunaqarfinni siulersuisunut ilaasortat 150 kr.

Imm. 3.

Immikkut ittutigut siulersuisuunerit pisinnaatitaapput imm. 1-imi aamma imm. 2-mi pineqartut akiliutit saneqqullugit akiliuteqartitsisarnissamut. Siumumut ataqqinaammik ilaasortatinneqartut ilaasortaanermut partiimullu akileraarummut akiliisinneqartassanngillat.

§ 5 Immikkoortortaqarfiiit

Iolloqarfinni nunaqarfinnilu immikkoortortaqarfinnik pilersitsisoqartassaaq. Immikkoortortaqarfimmik pilersitsineq Siumut partiip siulersuisuunerinut akuerisassangorlugu saqqumiunneqartassaaq.

Imm. 2.

Siulersuisunik pilersitsinissaq tunngavissaqarpat immikkoortortaqarfik pilersinneqarsin-naavoq.

Imm. 3.

Immikkoortortaqarfiiup oqartussaanerpaartaa tassaavoq ataatsimeersuarneq, minnerpaamik ukiumut ataasiarluni ingerlanneqartartussaaq. Ataatsimeersuarnermi ilaasortat akiliisimasut tamarmik peqataasinnaapput taaseqataasinnaallutillu.

Imm. 4.

Ataatsimeersuarnerit akornanni peqatigiiffik siulersuisunit ataatsimeersuarnerni qinerneqarsimasunit aqunneqassaaq.

Imm. 5.

Immikkut ittumik ataatsimeersuartitsisoqassaaq siulersuisut ilaasortalluunniit 2/3-liisa tamanna allaganngorlugu piumasarippassuk.

Imm. 6.

Immikkoortortaqarfinni inatsisinik nalinginnaasunik taamaallaat allannguisoqarsinnaavoq ataatsimeersuarnermi peqataasut taaseqataasinnaasut 2/3 –iisa tamanna aalajangiuppassuk. Allannguineq partiip malittarisassaanut akerliusumik ingerlanneqarsinnaanngilaq. Nalorninermi siulersuisuunernut maalaaruteqartoqarsinnaavoq, siulersuisuunerillu inaarutaasumik aalajangiissapput.

Imm. 7.

Siumup immikkoortortaqarfii immikkoortortaqarfimmi Siumup Inuuusuttunut Suleqatigiiffiata ataatsimiitaliassaanik pilersitsisinnaapput.

Imm.8.

Immikkoortortaqarfii kingusinnerpaamik maj-im ieqquusumik ukiumoortumik ataatsimeersuareersimasassapput ukiumullu naatsorsuutitik ataatsimeersuarnerminni akuersissutigereersimasassallugit.

§ 6 Ataatsimut siulersuisoqarfik

Kommunini tamani immikkoortortaqarfii ataatsimut siulersuisunik pilersitissapput.

Imm. 2.

Ataatsimut siulersuisut suliassaraat immikkoortortaqarfii naalakkersuinikkut aaqqissuusaanikkullu kommunimi soqtigisaasa komunalbestyrelsimi il.il. isumagineqarnissaat.

Imm. 3.

Ataatsimut siulersuisut oqartussaanersaat tassaavoq ataatsimeersuarneq. Ieqquusumik ataatsimeersuarneq ingerlanneqartassaaq Partiip nuna tamakkerlugu ieqquusumik atatsimeersuarnerani. Ataatsimeersuarnermi siulersuisussanik qinersisoqartassaaq, ataatsimut siulersuisoqarfii pillugit malittarisassani allassimasut naapertorlugit.

Imm. 4.

Qullersaqarfimmut nalunaaruteqartussaatitaasutut Ataatsimut Siulersuisut kommunimut qinersinerni qinigassanngortitsinermut qineeqquaarnermullu akisussaapput, soorluttaaq kommuuni-gruppi suleqatiginissaanut ataatsimut siulersuisut akisussaasut.

Imm. 5.

Ataatsimut siulersuisut ingerlatsinermut aningaasartuutaat partiimit akilerneqartassapput.

§ 7 Qinigassanngortitsinerit

Qinigassanngortitsinerit immikkoortortaqarfii suliarisassavaat. Immikkoortortaqarfii qinigassanngortitatik siulersuisuunernut inassuteqaatigisassavaat. Siulersuisuunerit aamma qinigassanngortitsisinnaapput. Siumup malittarisassani § 8-mik naammassinnissimanngitsut qinigassanngortinnejqarsinnaanngillat.

Imm. 2.

Qinigassanngortsitut allassimaffiat siulersuisuunernit akuersissutigineqassaaq.

Imm. 3.

Komunalbestyrelsinut qinigassanngortitsinerni allassimaffik ataatsimut siulersuisoqarfinitiit suliarineqassaaq, ataatsimut siulersuisut aamma immikkoortortaqarfii malittarisassanni allassimasut naapertorlugit.

§ 8 Taasisinnaatitaaneq, qinigaasinnaanerlu

Partiimi taticisaasutut qinigaasinnaassagaanni ilaasortaanermi akiliutissamik akiliisimanisaq piumasaqataavoq, takuuk § 2 imm. 4.

Imm. 2.

Inuaqatigiinni qinikkatut pisussaaffinnut tamanut qineeqquaartoqarsinnaavoq imm. 1-im piumasaqaataasumik naammassinnissimagaanni, kisianni qinikkatut pisussaaffiilersinnaa-

suni ukunani marloqiusamik inissimasoqarsinnaanngilaq Kommunalbestyrelsemi, Inatsisartuni, Folketingimi.

§ 9 Ataatsimeersuarneq

Ataatsimeersuarneq Siumut partiip ”inatsisiliortoraa” sutigullu tamatigut oqartussaanersaralugu. Ileqquusumik ukiut pingasukkaarlugit ataatsimeersuartoqartassaaq. Ileqquusumik ataatsimeersuarnerni naalakkersuinikkut anguniagassat assigiinngitsut aalajangersarneqartput, soorluttaaq partiip siulersuisuunerinut qinersisoqartartoq, Siumut Partiillu malittarisassai aalajangersarneqartarlutik.

Ileqquusumik ataatsimeersuartererit akornanni aalajangersimasumik qulequtaqarluni ataatsimeersuarnerit ingerlanneqartassapput. Aalajangersimasumik qulequtaqarluni ataatsimeersuarnerni oqallinnerit tunngavigalugit aalajangersaasoqartassaaq, ilaasortanit, immikkoortortaqarfinit siulersuisuunernillu siunnersuutaasut aallaavigalugit.

Imm. 2.

Siumut Partiip ataatsimeersuarnissai siulersuisuunernit nalunaarutigineqartassapput, siunnersuutinillu ataatsimeersuarnissaq qaammatnik sisamanik sioqqullugu nassiussisoqarsinnaanera immikkoortortaqarfinit nalunaarutigineqarlni. Siunnersuutit taamaallat ataatsimeersuarnermi aalajangersaavigineqarsinnaapput immikkoortortaqarfinit siulersuisuunernilluunniit akuersissutigineqarsimasut.

Imm. 3.

Siunnersuutit ataatsimut katersorneqassapput, ataatsimeersuarnissarlu qaammammik ataatsimik sioqqullugu immikkoortortaqarfinit, ataatsimut siulersuisoqarfinit, ataatsimeersuaqataasusanullu nassiunneqareersimassallutik.

Imm. 4.

Immikkut ittumik ataatsimeersuarnermut qaaqqusisoqassaaq siulersuisuunerit tamanna aalajangiuppassuk, imaluunnit immikkoortortaqarfii affaanit amerlanerusut allaganngorlugu siulersuisuunernut piumasaqarpata. Immikkut ittumik ataatsimeersuarneq aalajangernermiit qaammatit pingasut qaangiutsinnagit, imaluunnit piumasaqaatip tiguneraniit qaammatit pingasut qaangiutsinnagit ingerlanneqassaaq.

Imm. 5.

Ataatsimeersuarnermi taaseqataasinnaasut tassaapput:

- Siulersuisuunerni ilaasortat
- Inatsisartuni, Naalakkersuisuni, folketing-imilu ilaasortaatitat Borgmesterillu
- Partiip immikkoortortaqarfii qullersaqarfimmuit ukiumoortumik akiliutissaminnik akiliisimasut ilaasortaqassuseq aallaavigalugu taaseqataasinnaasunik aallartitaqarsinnaapput, amerlanerpaamik pingasunik. Immikkoortoqarfiiit 50-it tungaannut ilaasortallit ataatsimik, 50-init 100-t tungaannut ilaasortallit marlunnik, 100-niit qummut ilaasortallit pingasunik
- Siumup inuusuttaanit, S.I.S.-imit toqqagaq ataaseq

Imm. 6.

Immikkoortortaqarfii partiip nuna tamakkerlugu ataatsimeersuarnerinut peqataatitassatik taakkulu sinniussaataat ataatsimeersuarnerminni toqqartassavaat.

Imm. 7.

Nuna tamakkerlugu ataatsimeersuarnermut aallartitat § 8 naapertorlugu qinigaasinnaaner- mut piumasaqaat naamassisimassavaat.

Imm. 8.

Uku tamarmik immikkut qinerneqartarput:

- Siulittaasoq
- Siulittaasup tullia, taasumalu sinniisissaa
- Siulittaasup tulliata aappaa, taassumalu sinniisissaa

- Siulersuisunernut ilaasortat pingasut, taakualu siniisissaat marluk
- Ataatsimut siulersuisoqarfiiit siulittaasui tallimat
- Siumup inuusuttaasa suleqatigiiffianni – S.I.S.-imi siulittaasoq toqqagarlu ataaseq.

Qinigassannngortittoq amerlanerussuteqvilluni qinerneqartassaaq. Siulittaasumut qinigassannngortittut marlunnik amerlaneruppata, qinersinermilu qinigassannngortittut arlaannaal-luunniit taasisut affai sinnerlugit qinerneqanngippat, nutaamik qinersisoqartassaaq.

Nutaamik qinersisoqaqqinnerani ikinnerpaamik qinerneqartoq peerneqartassaaq.

Siulittaasussarsiorluni qinersineq ingerlanneqassaaq qinigassannngortittut marluinnannngor-serlugit, taakkunannngalu amerlanernit qinerneqartoq siulittaasunngussaaq. Siulittaasup tul-liinut sinniisissanngortut aamma siulersuisunernut qinigassannngortissinnaapput.

Imm. 9.

Partiimi allattuunerup siulersuisuunerit peqatigalugit naatsorsuutit kukkunersiorneqarsi-masut suliassallu pingarnerit allattorsimaffiat ataatsimeersuarnermi oqaluuserineqartus-sanngorlugit akuersissutigineqartussanngorlugillu saqqummiutissavai.

Imm. 10.

Allattuunerup siulersuisuunerillu ataatsimeersuarnermi aalajangersarneqartut tunngavigalugit suliassat anguniagassallu allassimaffiat suliarissavaat, ataatsimeersuarnerup kingorna siulersuisuunerit ataatsimeeqqaarnissaannut.

Imm. 11.

Naatsorsuutinut kukkunersiusutut ataatsimeersuarnermi naalagaaffimmit akuerisamik kuk-kunersiuusumik qinersisoqartassaaq, siulersuisuunerit inassuteqarnerat tunngavigalugu.

Imm. 12.

Ataatsimeersuarnermut atasumik angalanermut najugaqarnermullu aningaasartuutit siuler-suisuunernit maleduagassiat naapertorlugit partiip qullersaqarfianit akilerneqassapput.

Siulatorsuisuunerit ataatsimeersuariat ataatsimeersuarnermut peqataanerminnut akiliutissaan-nik aalajangersaasinnaapput.

Imm. 13

Siumut sinnerlugu Inatsisartunut ilaasortat, Naalakkersuisunut ilaasortat kiisalu borgmes-terit pisussaapput ataatsimeersuarnermut peqataassallutik. Pineqartut ataatsimeersuarnissa-mut peqataasinnaanngikkunik Siulatorsuisuunernut allakkatigut tunngavilersukkamik nalu-naaruteqartassapput.

§ 10 Siulatorsuisuunerit

Siulatorsuisuunerit ataatsimeersuarnermut akisussaallutik sulissapput, partiillu naalakkersui-nikku aqqissuussaanikkulli ineriarngeran ingerlanneqarneranilu ataatsimeersuarnerit akornanni akisussaasuullutik.

Imm. 2.

Siulatorsuisuunerit ukuupput:

- Siulittaasoq
- Siulittaasup tullii marluk
- Ataatsimut siulersuisoqarfiiit siulittaasui tallimat
- Nuna tamakkerlugu ataatsimeersuartunit qinikkat pingasut
- Siumup inuusuttaasa suleqatigiiffianni – S.I.S.-imi siulittaasoq toqqagarlu ataaseq.

Imm. 3.

Siumut Partiimi ulluinnarni suliassat naammassineqartarnissaat siunnerfigalugu ulluinnarni aqutsisunik siulatorsuisuunerit pilersitissapput.

Ulluinnarni aqutsisut tassaapput;

- Siulittaasoq
- Siulittaasup tullia (naalakkersuinikkut suliat ilanngullugit nakkutigisassarai)
- Siulittaasup tulliata aappaa (aaqqissuussaanikkut ingerlatsineq nakkutigisassaraa)
- Siulersuisuunerni ilaasortat akornannit qinikkat marluk

Ulluinnarni aqutsisut suleriaasissaminnik suliaqassapput, siulersuisuunernut akuersissutigisassangorlugu saqqummiunneqartussamik.

Imm. 4.

Siulersuisuunerit namminneerlutik siulersuisuunerit ataatsimiittarnerini kikkut taaseqataasinaanatik peqataasassanersut aalajangersartassavaat.

Imm. 5.

Siulersuisuunerni ilaasortat ataatsimut siulersuisoqarfinnit sinniisutut qinerneqarsimasut (siulittaasut) ataatsimut siulersuisuni siulittaasutut tunuarunik ingerlaannartumik siulersuisuunernit tunuassapput, siulittaasunngorallartumillu taarserneqassallutik.

Imm. 6.

Siulersuisuunerit minnerpaamik ukiumut marloriarlutik ataatsimiittassapput. Siulersuisuunerit namminneerlutik ulluinnarni sulinermanni maleruagassartik sularissavaat.

Ulluinnarni sulinermi maleruagassami partiip anguniagaasa, partiip inatsisaasa partiimilu ilaasortat sunniuteqarnissaat siunnerfiussaaq.

Imm. 7.

Siulersuisuunerni ilaasortat immikkoortortaqarfinni ataatsimullu siulersuisoqarfiit ataatsimeersuartarnerini peqataasinnaapput, aammalu inatsisartuni gruppip ataatsimiinnerini oqaaseqarsinnaallutik taaseqataasinnaanatilli peqataasinnaapput.

Imm. 8.

Siulittaasoq qinigaaffiup iluani tunuassagaluarpat siulittaasup tullia siulittaasunngorallas-saaq, nutaamik qinersisoqarnissaata tungaanut. Siulittaasup tulliisa arlaat qinigaaffiup iluani tunuassagaluaruni, qinigaaffiup sinneranut atuuttumik sinniisissaminit taarserneqas-saaq. Siulittaasut tulliisa arlaannik tunuaqqittoqassagaluarpat, siulersuisuunerit akunnerminni piffissap qinigaaffiup sinneranut taartaasussamik qinersissapput.

Imm. 9.

Atorfekartitat akissarsiassaasa annertussusissaat atorfekarnermilu atugassarititaasut allat ulluinnarni aqutsisunit aalajangersarneqartassapput.

Imm. 10.

Siulersuisuunerit akisussaaffigaat partiip ataatsimut siulersuisoqarfinni aammalu immikkoortortaqarfinni malittarisassassaanik suliaqarnissaq, ataatsimeersuarnermi malittarisassat aalajangersakkallu allaat aalajangiunneqarsimasut naapertorlugit.

Imm. 11.

Siulersuisuunerit Siumup partiata naatsorsuutai aningaasaqarneralu akisussaaffigaat. Partiimi allattaanerup aningaasartutuutissatut missingersuutit suliarisassavai, siulersuisuunernullu 1. december nallertinnagu saqqummiutarlugit.

Ukiut tamaasa qaammatit pingasut siullit iluanni naatsorsuutit kukkunersiorneqarsimasut siulersuisuunernut akuersissutigineqartussanngorlugit saqqummiunneqartassapput.

Imm. 12.

Siulersuisuunerit ataatsimeereerneriniit ullaat 14-it qaangiutinnginneranni imaqarniliamik Siumup immikkoortortaqarfiisa, Siumup ataatsimut siulersuisuisa, Siumup Inatsisartunut ilaasortaatitaasa, Siumup Naalakkersuutitaasa, Siumup Folketingimi ilaasortaata, Siumup kommunalbestyrelsini ilaasortaasa kiisalu Siumup borgmesteriutitaasa pissarsiarisinnaa-sannik siulersuisuunerit saqqummiussisassapput.

§ 11 Partiip qullersaqarfia aamma atsiorsinnaatitaaneq

Siulersuisuunerit partiimi allattaanertut inissimasussamik isumaqtigiiissuteqarnikkut atorfinititsissapput.

Imm. 2.

Partiip allattaanera partiip qullersaqarfiani ulluinnarni sulinermi pisortaavoq, siulersuisuunernullu akisussaalluni.

Partiimi allattaaneq ulluinnarni aqutsisut suleqatigalugit siunnersortinik allaffissornikkullu sulisunik atorfinititsisartuovoq.

Imm. 3.

Partiip qullersaqarfia partiip sullinneqarnerani suliassani tamani allattoqarfieuvoq. Allattoqarfimmi suliassat suliarineqarnissaannut qassnik sulisoqarnissaa siulersuisuunerit aalajangersartarpaat, soorlu allattut immikkoortortanilu ingerlatsisut, aamma qullersaqarfimmi sulisut ilaannakortumik tamakkiisumilluunniit pisortanit aningaasalorsorneqartut eqqarsaatigalugit. Allaffimmi sulisoq ataaseq Siumup Inuuusuttunut Suleqatigiiffianut ullup affaa sullissiuussaaq.

Imm. 4.

Partiimi allattaaneq ataatsimut siulersuisoqarfinni inissimasussanik sulisussanik atorfinititsisinnaavoq.

Imm. 5.

Partiip allattaanera naatsorsuuserinermut siulersuisuunernut akisussaavoq, aammattaaq aningaasanut qullersaqarfianit ataatsimut siulersuisoqarfinni atugassanngortinneqartunut. Ataatsimut siulersuisoqarfinni aningaasartuutit partiip naatsorsuutaani immikkut takuneqarsinnaanngorlugit suliarineqartassapput.

Imm. 6.

Partii siulittaasumit allattaanermillu atsiugassatigut akisussaaffigineqarpoq, imaluunniit siulersuisuunernut ilaasortanit pingasunit ataatsimut atsioqatigiittunit. Siulersuisuunerit aalajangererat tunngavigalugu nalilinnik pisiniarnerit, tuniniaanerit, qularnaveeqqutitullu pigisanik nalilinnik sillimmasiinerit ingerlanneqartassapput.

§ 12 Ilaasortajunnaarsitsineq

Partiimi ilaasortanik ilaasortajunnaarsitsinerit immikkoortortaqarfinnit isumagineqarsinnaapput, ataatsimeersuartuni taaseqataasinnaasut 2/3-iinit akuerineqartumik ingerlanneqarunik.

Imm. 2.

Kommunalbestyrelsimit inatsisartunulluunniit ilaasortanik ilaasortajunnaarsitsinnissamik siunnersuuteqartoqartillugu isumaqtigiiissitsiniaanermi ataatsimiititaliaq, § 16 imm. 1 naaperorlugu pilersinneqartoq akuliunneqartassaaq.

Imm. 3.

Siulersuisut ataatsimeersuarnissaq sioqqullugu ilaasortajunnaarsinnejartussatut siunner-suutigineqartoq siunnersuutigineqartulluunniit allaganngorlugu nalunaarfigissavaat siunnersuummik taama ittumik suliaqartoqartoq, pineqartorlu imaluunniit pineqartullu ataatsimeersuarnermi apeqqutip oqaluuserineqarnerani peqataanissamut periarfissinneqassapput.

Imm. 4.

Ilaasortat ilisimatinneqassapput ilaasortajunnaarsitsinissamik apeqqut oqaluuserisassaniittooq.

Imm. 5.

Immikkut ittutsigut siulersuisuunerit ilaasortajunnaarsitsisinnaapput. Taamaaliortoqanganinneranili immikkoortortaqarfik ilaasortaffigineqartoq akulerunneqassaaq. Ilaasortajunnaarsitsiniarneq immikkoortortaqarfimmut tamatigut allaganngorlugu nassuiarneqartassaaq.

Imm. 6.

Ilaasortaajunaarsitsinerit ilaasortanngortitseqqinnerillu tamarmik atortinnejqarsinnaapput aatsaat siulersuisuunernit akuersissutigineqarsimagunik.

Imm. 7.

Siulersuisuunerit aalajangernerat partiimi susassaqartunit tamanit ataqqineqartussaavoq, ataatsimeersuarnermillu taamaallat allanngortinneqarsinnaalluni. Partiimi allattaanerup immikkortortaqarfii tamaasa allakkatigut ilaasortaajunnaarsinneqartoq/tut pillugu ilisimatisavai. Ilaasortaajunnaarsitsineq atorunnaarsinneqarsimanngippat immikkoortortaqarfimi allami ilaasortanngortoqarsinnaanngilaq.

Imm. 8.

Immikkoortortaqarfimi siulittaasoq pisussaavoq ataatsimeersuarnermi ilaasortaajunnaarsitsinermik aalajangersaaffiusumiit kingusinnerpaamik ullut arfineq pingasut qaangiunneranni siulersuisuunerit allakkatigut ilisimatissallugit. Allakkani ilaasortaajunnaarsitsinermut tunngaviusut nassuiarneqassapput, soorluttaaq ataatsimeersuarnermi ilaasortaajunnaarsitsinermi taasinerit il.il. nassuiarneqassasut.

Imm. 9.

Immikkoortortaqarfimi siulittaasup pineqartoq/tut ilisimatissavai, immikkoortortaqarfiuup ataatsimeersuarneraniit ullut 14-it qaangiutinnagit siulersuisuunernut maalaaruteqarsinnaasoq/sut.

§ 13 Kommunini Siumup gruppiini maleruagassat

Kommunini Siumut sinnerlugu kommunalbestyrelsini marlunnik amerlanerusunilluunniit sinniisoqarfiusuni taakkua suleqatigiiffissaminnik gruppiliussapput. Gruppimi siulittaasumik qinersisoqassaaq (pisariaqarpallu tullissaanik aammalu allattussamik). Gruppimi aalajangerneqartartut pillugit allattaavinni naatsumik imaqarniliortoqartassaaq.

Imm. 2.

Kommunimut qinersinerup kinguninngua partiip kommunimi ataatsimoortumik aqtsisuitat Siumullu sinnerlugu kommunimi qinigaasut katersuutissapput, qinersinerup inernerera oqaluuseriniarlugu, aammalu qinersinerup kingunerisaanik sulinerup ingerlaqqinmissaa, partiinut allanut suleqatigiinnulluunniit allanut isumaqatigiinniartoqassanersoq, suleqatigiinnermut isumaqatigiissuteqartoqarsinnaanera il.il. pillugit. Ataatsimiigiaqqusineq ataatsimut siulersuisut siulittaasuannit partiip qullersaqarfia suleqatigalugu isumagineqassaaq.

Imm. 3.

Kommunalbestyrelsip ataatsimiinnissai tamaasa sioqqullugit kommunimi gruppimi ilaasortat naapittassapput. Gruppimi ataatsimiinnerni ataatsimut siulersuisut sinniisoqartassapput. Kommunimi gruppip ataatsimullu siulersuisoqarfik ilaasortallu aalajangigassani pingaru-teqartuni aalajangiinnginnerni isumasiortassavaat.

Imm. 4.

Gruppimi siulittaasup suliassat ullormut oqaluuserisassani nalunaarsorneqarsimasut paasisutissartai ilanngullugit gruppimi saqqummiuttassavai. Suliassap oqaluuserineqarneranut atasumik gruppi suliamut tunngasumik isummertassaaq. Gruppimi aalajangiunneqarsimasut saneqqullugit isummertoqarsinnaanera periarfissaqartinneqarpoq, sioqqutsisumik tamma gruppimut nalunaarutigineqarsimappat, imaqarniliamilu allanneqarlni.

Imm. 5.

Kommunimi gruppi tamakkiisumik akisussaavoq kommunimi suliassanut sunulluunniit isummernerminut. Taamaattumillu gruppimi isummerneq suliassani pineqartuni aalajangii-suussaaq.

Imm. 6.

Ilaasortaq partiimi allami qinigassanngortitseqatigiinniluunniit allani qinigassanngortinnikuusimasoq taamaallat gruppimi ilaasortanngortinneqarsinnaavoq, gruppip aammalu ataat-

simut siulersut ataatsimiinneranni taasinikkut 2/3-imik amerlanerussuteqartumik tamannaakuersissutigineqarpat. Tamannalu siulersuisuunernut nalunaarutigineqassaaq.

Imm. 7.

Gruppimi ilaasortamik ilaasortaajunnaarsitsineq taamaallaat atortussaatinneqarsinnaavoqsumiiffimmi oqartussaanerpaanit (ataatsimeersuarnermi) akuerineqarsimaguni. Partiip siulersuisuunerisa ilaasortaajunnaarsitsineq akuereqqaassavaat.

Ilaasortaajunnaarsitsiniarneq sumiiffimmi oqartussaanerpaanit (ataatsimeersuarnermit) suiliarineqartinnagu kommunimi isumaqatigiisitsiniaanermi ataatsimiitaliaq akulerunneqaqqassaaq. Ilaasortaajunnaarsitsineq piffissami qinigaaffimmi atuutissaq. Gruppimi ilaasortaq gruppimi ilaasortaajunaarsinnejqarpat imaluunniit gruppi qimappagu communalbes-tyrelsimali inissisimaannarluni, Siumumi ilaasortaaneq atorunnaassaaq.

§ 14 KANUKOKA´s siulersuisuini sinniisoqarneq

KANUKOKA´s siulersuisuini Siumut marlunnik amerlanerusunilluunniit sinniisoqarpat, taakkua gruppimik pilersitsissapput. Gruppimi siulittaasumik qinersisoqassaaq. Gruppimi aalajangersagaasartut pillugit naatsumik imaqtarniorqartassaaq.

Imm. 2.

KANUKOKA-mi sinniisoqarfiaup katersuunneranut siullermut atatillugu sivisunerpaamikilaasortaasimasoq imm. 1 naapertorlugu inissiternissaq siunertaralugu ataatsimiigiaqqusissaaq. Gruppimi KANUKOKA´s siulersuisuini inissiternissaq pisariaqarpallu partiinik allanik suleqateqarnissaq il.il. oqaluuserineqarlutillu aalajangersaavigineqassapput.

Imm. 3.

KANUKOKA-p siulersuisuisa ataatsimiinnissaat tamaasa sioqqullugit gruppi naapilluniataatsimiittassaaq. Pissusissamisuussaaq KANUKOKA-mi gruppip kommunini gruppipingaarutilinnik aalajangersaannginnerni isumasiortarpagit.

Imm. 4.

Partiip qullersaqarfia, Siumukkut KANUKOKA-mi sinniisutut aallartitaasa sinniisoqarfimmi ataatsimiinneranni allattoqarfiusassaaq, partiillu allattaanerata gruppimi siulittaasoq peqatigalugu allattaasussaaq toqqartassavaat.

Imm. 5.

KANUKOKA-mi siulersuisuni aalajangikkat naapertorlugit aningaasarsianit partiimut aki-leraarutissat Siumut partiip karsianut akilerneqartassapput.

§ 15 Siumup Inatsisartuni gruppia

Siumup Inatsisartuni gruppia tassaavoq Siumup Inatsisartuni qinigassanngortitaanit Inatsisartunut qinigaasimasut, aammalu ilaasortat ilaannut sinniisussatut isersimasut. Siumup Inatsisartunut gruppiani aamma ilaasortaapput Siumup naalakkersuisuni ilaasortaatitai, Inatsisartuni ilaasortaanngitsut. Ilaasortaq partiimi allami qinigassanngortinneqarsimasoqtaamaallaat gruppimi 2/3-init akuerineqarnermigut, aammalu siulersuisuunernit tamatuma taperserneqarneratigut Siumup gruppiani ilaasortangorsinnaavoq.

Imm. 2.

Inatsisartunut qinersinerup kinguninngua partiip siulittaasuata piaartumik partiip siulersuisuni inatsisartunilu ilaasortaatitat qinersinerup inernera kingunerisassaalu pillugitätaatsimiigiaqqussavai, tassunga ilanngullugu partiinut allanut isumaqatigiinniarnissaq.

Imm. 3.

Inatsisartuni gruppi qinersinerup kingorna ataatsimeeqqaarnermini, ileqqusumillu ataatsiminnerit aallartinneri tamaasa akunnermini siulersuisussanik qinersisassaaq.

Siulersuisunut qinigaasut akornannit toqqaasoqartassaaq partiip qullersaqarfianut ikuulluni partiimut akileraarutit eqqortumik akilerneqartarnissaannik nakkutilliisussamik. Partiip siulittaasua gruppip siulersuisuini inunnguuseralugu ilaasortaassaaq, allatut ilaasortassatut

qinigaasimanngikkuni. Partiimi siulittaasup tullii partiimilu allattaaneq gruppimi siulersuisut gruppillu ataatsimiittarnerini peqataasinnaatitaapput. Gruppimi siulittaasup isumagissaavaa gruppip inatsisartuni ataatsimiittalianilu suliassat pillugit katersortinnejartarnissaa isumasioqatigiittarnissaal. Gruppip guppimilu siulersuisut ataatsimiittarnerannit naatsumik imaqarniliortoqartassaaq.

Imm. 4.

Siumup inatsisartuni gruppia siulersuisuunerillu minnerpaamik ukiumut marloriarlutik Inatsisartuni suliat pillugit naapittassapput. Tamatuma saniatigut pissusissamisuussaaq Inatsisartuni aalajangersagassat pingaaruteqartut pillugit siulersuisuunerit isumasiorne-qartarnissaat.

Imm. 5.

Gruppimi ilaasortamik tunuartitsisoqarsinnaavoq aatsaat tamanna siulersuisuunernit akuer-sissutigineqarpat. Tunuartitsisoqarpat imaluunniit gruppimi ilaasortat ilaata Siumup gruppia qimappagu, inatsisartunili ilaasortaaginnarluni, taava Siumumi ilaasortaaneq atorun-naarsinneqassaaq.

§ 16 Folketingi

Siulersuisuunerit aalajangertarpaat Siumut sinnerlugu kikkut folketingimut qinigassanngortinneqassanersut.

Imm. 2.

Siumut sinnerlugu folketingimut qinigassanngortitassat qinigassanngortinnerminni allagar-taat akueralugit partiip siulittaasuata, siulittaasullu peqannginnerani tullisa arlaata atsior-tassavai.

Imm. 3.

Siumup folketingimut qinigaatitaasa sulinerminni siulersuisuunerit qanimit suleqatigisasa-vat, folketingimilu suleqateqarnissami aaqqissuussinissaq pillugu siulersuisuunerit qani-mut isumaqatigiissuteqarfingineqartassapput.

§ 17 Nuna tamakkerlugu atuuttumik isumaqatigiissitsiniaasartut

Ataatsimiittialaq siulersuisuunernit toqqrneqassaaq, pingasunillu ilaasortaqarluni.

Imm. 2.

Ataatsimiittialiap suliassaraa Siumup sinniisoqarfinni ilaasortaajunnaarsitsiniarnerni isumaqatigiissitsiniaasarneq.

Imm. 3.

Ilaasortaajunnaarsitsiniarnermut tunngasumik suliami isumaqatigiittooqarsinnaanngippat, ataatsimiittialaq nassuaasiussaaq, namminneq paasinninnertik naapertorlugu suliaq qanoq isikkoqarnersoq pillugu, partiip siulersuisuunerinut ingerlannejartumik, siulersuisuunerit ilaasortaajunnaarsitsisoqassanersoq isumminnginneranni.

§ 18 Immikkut aalajangersaanerit

Partiimi allattaaneq partiimilu atorfillit kommunalbestyrelsiniut inatsisartunullu qinersinerni qinigassanngortinneqarsinnaapput. Kisiannili atorfimminnit tunuartariaqassallutik kommu-nalbestyrelsimut inatsisartunulluunniit qinigaagunik.

Imm. 2.

Siulersuisuunerit misileraalluni ineriertortitsillunilu ingerlatsinissanik akuersissuteqarsin-naapput, partiip inatsisaanut naapertuitinngitsunik. Misileraalluni ineriertortitsillunilu ingerlatsinerit partiip qullersaqarfianit aqunneqassapput.

Imm. 3.

Siumut Partiip malittarisassaanik saneqqutsineq taamaallaat pisinnaavoq siulersuisuunerit

ataatsimeersuarnermit piginnaatitsisummit tunngavilimmik akuersissuteqarnerat tunngavigalugu. Malittarisassanik saneqqutsineq partiip inatsisaanut akerliusuussanngilaq.

§ 19 Malittarisassat akuersissutigineqarnerat

Siumut Partiip malittarisassai nutaat Sisimiuni ataatsimeersuarnermi sisamanngorneq 27. juli 2017 akuersissutigineqarput. Tamatuma kingunerisaanik Immikkoortortaqarfiiit malittarisassaanni allannguutaasumut naleqqussaanissamut siulersuisuunerit nutaat pisinnaatinneqarput.

Malittarisassat suliarineqarput Sisimiuni ataatsimeersuarnermi 27. juli 2017

Siulersuisuunernit akuersissutigineqarput Ulloq 26.09.2017

Kim Kielsen
Siulittaasoq, Siumut

Mikael Petersen
Allattaaneq, Siumut